



## **Crisis Theologica**

**Cárdenes, Juan de**

**Sevilla, 1687**

Cap. XII. An per Regis, aut Regni supplicationem, aut per populi non  
acceptationem, possit hoc decretum suspendi, aut derogari?

---

[urn:nbn:de:hbz:466:1-75689](#)

humani in hoc decreto , non requiri-  
tur alia promulgatio:nam per declara-  
tionem Pontificis præsupponitur no-  
titia sufficiens eius obligationis. Et co-  
rum, quæ iam certo sciuntur, non re-  
quiritur nova promulgatio; cum hæc  
promulgatio requiratur ad eum fi-  
nem , vt obligatio perveniat ad noti-  
tiæ certam omnium Fidelium; quæ si  
præsupponatur , inutilis est nova pro-  
mulgatio.

## C A P V T XII.

*An per Regis, aut Regni suppli-  
cationem , aut per populi non  
acceptationem , possit hoc de-  
cretum suspendi , aut deroga-  
ri?*

## ARTICVLVS I.

*De supplicatione.*

## SVMMARIVM.

*Quæ sit in Hispania consuetudo sup-  
plicandi pro suspensione legis Pontifi-  
ciæ? n. 211.*

*An dum fit supplicatio, teneatur popu-  
lus ad observationem legis? n. 212.*

*An ab hoc decreto supplicari possit? n.  
213.*

*Hoc dubium triplicem questionem con-  
tinet. n. 215.*

*Supplicatio à Decreto, quatenus decla-  
ratorium est, est irrationabilis. Ideo-  
que fieri non potest. n. 216:*

*Quare Pontifex non posse revocare  
hoc decretum? n. 217. Neque suspen-  
dere. n. 218.*

*An possit suspendere promulgationem  
in Hispania? n. 219.*

*An eadem fit ratio in condemnatione  
librorum? n. 220. & seqq.*

*Quare non posse supplicari ab hoc de-*

*creto, quatenus prohibitorium est? n.  
222. & seqq.*

*An possit fieri supplicatio ab hoc de-  
creto, quatenus pænale est? n. 225.*

211. **F** Requens est, vt cum aliqua  
lex Pontificia promulga-  
tur, quæ iudicio Consiliariorum Regis  
Hispaniæ potest afferre aliquod præ-  
iudicium huic Regno , fiat nomine  
Regis supplicatio ad Sanctissimum, vt  
propter hæc & hæc inconvenientia  
dignetur sua Sanctitas indulgere huic  
Regno, vt eximatur ab ea lege.

212. Interim dum fit supplica-  
tio, teneri populum ad observandam *Suarez.*  
cam legem, docet P. Suarez lib. 4. de *Cas. Pal.*  
Legib. cap. 6. num. 8. & P. Castro Palao  
tom. 1. tract. 3. disp. 1. punct. 13. num. 14.  
addentes, quod si lex non potest deduci  
ad proxim fine scandalo , aut gravi  
aliquo incommodo , tunc lex non  
obligat , ex benigna interpretatione  
mentis legislatoris. Sed generaliter  
suspendi obligationem legis per eius-  
modi supplicationem, afferunt Bona-  
cina disp. 1. de Legib. q. 1. punct. 4. n.  
41. *Bonacina:  
Salon*

*Castro*

*Rodrig*

41. Salon de Contract. tract. 2. de Cen-  
fib. art. 3. disp. 4. conclus. vlt. Salas disp.  
18. sect. 4. num. 21. Castro lib. 1. de Le-  
ge poenal. cap. 1. Emmanuel Rodrig.  
tom. 3. qq. Regul. q. 6. art. 7. apud Cas-  
tro Palao citatum.

213. Et quidem audivi quem-  
dam dixisse, Regem Hispaniæ suppla-  
casse Romanum Pontificem, vt revo-  
caret, aut suspenderet decretum hoc  
de sexaginta quinque propositionibus  
condemnatis , ideoque huius decreti  
obligationem esse suspensam. Et licet  
ille erraverit in re facti ; quia Inquisi-  
tor generalis de facto promulgavit  
hoc decretum; tamen opus fuit insti-  
tuere hanc questionem, [ An ab hoc  
decreto supplicari possit cum spe obti-  
nendi? ]

214. Sed quia decretum triplicem  
partem habet , triplex quæstio inti-  
tuenda

## DISERTATIO I. PROÆMIALIS.

54

tuenda est. Prima pars decreti est, qua condemnat ut scandalosas eas sexaginta quinque propositiones. Secunda est, qua prohibet defendere, & ad proxim deducere doctrinam earum propositionum. Tertia est, qua imponit poenam excommunicationis latæ sententiæ omnibus, qui defenderint, aut docuerint talem doctrinam. Est ergo hoc decretum declaratorium, prohibitorium, & poenale.

215. Tripliciter ergo quæstio instituitur. Prima, an possit supplicari rationabiliter pro revocatione aut suspensione huius decreti, ut declaratorium est? Secunda, An possit supplicari, qua prohibitum est? Tertia, An possit supplicari, qua poenale est?

216. Quod attinet ad primam quæstionem, aspero, supplicationem præfamat circa decretum pro ut declaratorium, esse irrationalabilem, nec posse fieri supplicationem cum spe obtainendi. Probatur. Supplicatio huiusmodi est irrationalabilis, quoties est de re, quæ non potest obtaineri: sed quod revocetur, aut suspendatur doctrina de moribus omnino certa & indubitabilis, res est, quæ non potest obtaineri, ut pote omnino repugnans: ergo supplicatio, quæ hac de re facta fuerit Pontifici, erit irrationalabilis, atque adeo absque illa spe obtainendi. Maior & consequentia patent.

217. Minor vero supponit, doctrinam declaratam in hoc decreto esse certam, & indubitabilem: quod autem huiusmodi doctrina morum revocari non possit à Pontifice, patet. Nam si revocaretur, id fieret per propositionem contradictoriam, dicendo eas propositiones non esse scandalosas: ergo utraque contradictoria esset vera. Ex quo multæ aliæ consequentia absurdæ inferuntur. Prima, Ergo erravit Pontifex in eo, quod declaravit, eas propositiones esse scandalosas.] Quia dum revocat declarationem,

manifestat, dignam esse revocatione, atque adeo esse falsam. Secunda, [Ergo dum revocat, procedit à Romana Cathedra declaratio certo falsa in materia morum.] Nam contradictoria propositionis certa est certo falsa: sed revocat per declarationem contradictoriæ: ergo per declarationem certo falsam. Tertia, [Ergo doctrina morum, quæ est in Ecclesia, esset chymærica, & implicatoria.] Quibus similes multæ aliæ consequentiae colligi possunt tamquam ex immanium absurdorum scaturigine.

218. Quod autem neque suspendere possit Pontifex hoc decretum, etiam patet. Et enim non minus repugnat Sanctitati Ecclesiæ suspendere doctrinam certam de moribus, sive suspendere notitiam certam de vitijs, quam approbare vitia: sed supposita declaratione facta in hoc decreto, quod obiecta earum propositionum sunt vitiosæ; suspendere illud, esset suspendere notitiam certam de vitijs: ergo id repugnat Sanctitati Ecclesiæ. Maior patet. Nam suspendere doctrinam certam de vitijs fugiendis, est relinquere libertatem Fidelibus amplectendi vitia.

219. Dices primo. Licet non possit Pontifex suspendere doctrinam certam de moribus, iam declaratam ut talem, quare non poterit suspendere promulgationem, ne hæc fiat in Hispania? Contra est. Nam ubi facta est promulgatio Romæ, & eius notitia certa ad nos pervenit, sive promulgetur in Hispania, sive non promulgetur; iam scimus, quænam sit doctrina vera circa obiecta propositionum: ergo nihil proderit, & omnino frustanea erit suspensio eius promulgationis facienda in Hispania.

220. Dices secundo. Aliando Pontifex prohibet librum propter doctrinam damnabilem, & postea ex maiori deliberatione inbet suspendi decre-

## C A P V T XII. A R T. II.

55

decretum condemnatorium: ergo si militer poterit dammare doctrinam de moribus, & postea suspendere decretum.

221. Sed contra est. Nam si talis determinata propositio & doctrina de moribus expresse damnata est in libro; numquam suspendit Pontifex tamē damnationem. Quando ergo suspendit decretum prohibitorium libri, ideo fit, quia cum ipse Romanus Pontifex nō cognoverit immediate ipsa bonitate, aut damnabilitate doctrinæ, sed ex aliorum informatione (facta in genere, & non circa tamē propositionem in individuo) iussit prohibitionem; & postea dubitatur: sive vel de re facti, vel de damnabilitate doctrinæ, iubet suspendi prohibitionem, ut de novo fiat maturior deliberatio circa propositiones in individuo.

222. Secunda quæstio est, An possit supplicari pro suspensione huius decreti, qua prohibitorium est? Et admittenda videtur pars affirmans: quia frequens est, supplicari pro suspensiōne aliquarum Legum prohibentium actiones alias: ergo eodem modo poterit suspendi hoc decretum, quatenus prohibet defendere, & ad praxim deducere doctrinam harum propositionum damnatarum.

223. Dicendum amen est, repugnare tamē supplicationem, neque aliiquid prodefesse, quamvis fiat. Probatur. Nam supposita certitudine declaratiōis factæ in hoc decreto, quod ea doctrina scandalosa est; eo ipso prohibitum manet, quod non licet docere neque ad praxim deducere doctrinam, quæ scandalum generat: ergo nihil prodefesset ea suspensiō, & consequenter neque supplicatio; si quidem talis doctrina non posset non manere prohibita.

224. Ad rationem dubitandi respondeo, cæteras leges prohibito-

rias non præsupponere, doctrinam oppositam esse scandalosam; & consequenter ablata prohibitione, carum legum obiecta non habere, vnde manent adhuc prohibita. Quod non cōtingit in prohibitione, que in hoc decreto continetur; cum ea doctrina scandalosa ex ipsa damnatione maneat prohibita, etiam si non exprimitur prohibitiō in decreto.

225. Tertia quæstio est, An possit supplicari pro suspensione huius decreti, qui poenale est; id est quatenus imponit poenam excommunicationis latæ sententiæ, reservatæ Romano Pontifici, contra docentes, aut defendantes quamlibet ex sexaginta quinque propositionibus. In quo, sicut certum est, quod Pontifex post fulminatam excommunicationem, potest revocare fulminationem; ita etiam certum est, quod potest fieri supplicatio Romano Pontifici, vt illam fulminationem censuræ revocet.

## ARTICVLVS II.

*De populi non acceptatione.*

## SYMMARIVM.

*Supponuntur aliqua de obligatione legis, & acceptatione populi. n. 226. recessive.*

*Triplex quæstio circa acceptationem huius decreti. n. 227.*

*Quare hoc decretum, quæ declaratorium est, sit independens ab acceptatione populi? n. 228. & seqq.*

*Veritas est independens ab eo, quod acceptetur, aut non acceptetur ab hominibus. n. 229.*

*Doctrina certa in materia morum independens est ab acceptatione hominum. n. 230.*

*Quam illicitum sit operari ex dictamine certissime falso? n. 231.*

*obli-*

*Obligatio fidelium ad acceptandam do-*  
*éerinam à Romana Cathedra. n. 232.*  
 & seqq.

*Hoc decretum, qua prohibitorum est,*  
*non pendet ab acceptatione populo-*  
*rum. n. 235.*

*Obiecta, que à Pontifice declarantur il-*  
*licita, eo ipso manent necessario pro-*  
*hibita. n. 236.*

*Lex humana interdicens ea, qua sunt*  
*iure naturali prohibita, non potest*  
*non acceptari. n. 237.*

*Hoc decretum, qua pœnale est, potest*  
*populus ex urgenti causa non ac-*  
*ceptare. n. 238.*

*Dicrimen inter hoc decretum qua pro-*  
*hibitorum, & illud idem qua pœna-*  
*le. n. 239.*

*Populus absolute non potest non accep-*  
*tare hoc decretum qua pœnale, de-*  
*factu causa rationabilis. n. 240.*

*Synopsis totius dissertationis. n. 241. &*  
 & seqq.

226. **I**N 2. part. Crif. Theol. disp. 29.

multa tradidi circa accepta-

tionem legum, præcipue Ecclesiastici-

carum. Et primò quidem cap. 2. art. 2.

docui cum Bellarmino, & Suario, &

alijs, esse de Fide, esse potestatem in

Romano Pontifice, alijsque Ecclesiæ

Prælatis ad obstringendum legibus

populos invitatos, quibus obligent eorum

conscientias. Deinde cap. 3. docui

cum communi sententia, leges etiam

canonicas non obligare ante accepta-

tionem populi: non quia iure canonico

ita sit statutum, sed ex quadam inter-

pretatione mentis Romani Pontifi-

cis, & Prælatorum Ecclesiæ. Et cap.

4. ostendi, id intelligendum esse, quan-

do adeat causa iusta ad renitendum, v.

g. exterminium pacis, scandalum, aut

summa difficultas in executione. Mox

cap. 5. ostendi, quod si populus non

acceptet legem absque iusta causa, ad-

huc legem obligare in conscientia.

Tradidi etiam ibid. multa alia ad hanc

materiam spectantia.

227. Et quod attinet ad præsens

decretem, audivi (& non credo) quo-

dam populos nolle acceptare illud

adeo, ut prohibeantur typographi il-

lad typis edere, aut illud in publicum

producere. Et illud quidem sic reiже-

re, esse nefas, mihi evidens est. Et dis-

tinguendo, sicut in art. præced. tripli-

cem qualitatem decreti, qua declara-

torium, qua prohibitorum, & qua

pœnale est; per tres conclusiones hanc

quaestionem decido.

228. Dico primo. Peccat gravi-

ter populus, qui non acceptat hoc de-

cretum, qua declaratorium est. Hanc

conclusionem expressit P. Molina

tom. 2. de iust. disp. 325, P. Lessius de

iust. cap. 20. dubit. 23. num. 192. Idem

docet P. Castro Palao tom. 7. tract.

32. disp. 4. punct. 24. n. 5. P. Rebel-

lus lib. 8. de Iust. quæst. 13. §. *Molino*  
*Lessius*  
*Palao*  
*Rebelius*

& multi alij.

229. Probatur primo: Omnis ve-

ritas est independens ab eo, quod ac-

ceptetur, aut non acceptetur ab homi-

nibus: sed definitio contenta in hoc

decreto est veritas, & illa quidem in-

dubitabilis, vt constat ex cap. 1. & 2.

ergo definitio contenta in hoc decre-

to est independens ab eo, quod accep-

tetur, aut non acceptetur, sive à liber-

tate acceptandi. Ideo P. Lessius cit. di-

xit: *Vt definitio aliquius veritatis rata*  
*fit, non eget receptione populorum; sed*  
*hoc tantum modo locum habet in legum*  
*obligatione. Non enim veritas, qua de-*  
*finitur, pendet à receptione, aut censura*  
*subditorum. Confirmatur. Non est li-*  
*berum resistere veritati cognitæ: sed*  
*hæc Pontificis declaratio, est veritas,*  
*qua cum habeat certitudinem, cog-*  
*noscitur ab intellectu ut talis: ergo nō*  
*est liberum intellectui, atque adeo ra-*  
*tionalibus subditis, resistere, aut nō ac-*  
*ceptare hanc Pontificis declaratio-*  
*nem.*

230. Probatur secundo. Qui

non

non admittit doctrinam omnino certam pro formandis moribus , peccat graviter: sed hoc decretum, qua declaratorium est, tradit doctrinam omnino certam pro formandis moribus: ergo qui illam non admittit , peccat graviter. Consequentia patet. Minor constat ex cap. 1. & 2. Maior etiam patet. Nam cum doctrina est omnino certa pro formandis moribus, certum est, quod tenetur conformare mores illi doctrinæ, & peccare graviter eum, qui sic non conformat in materia gravialioqui doctrina, quæ id prescribit, non esset certa : sed qui eam doctrinam non admittit , non conformat mores illi doctrinæ : ergo qui eam doctrinā non admittit, peccat graviter.

231. Probatur tertio. Qui non vult acceptare doctrinam certam pro formandis moribus, vult liber manere ad operandum in praxi ex contraditorio dictamine: sed dictamen contradictiorum doctrinæ certæ est certo falso : ergo vult liber manere ad operandum in praxi ex dictamine certissime falso. Quantum autem nefas sit formare mores ex dictamine certissime falso, quis non videt?

232. Probatur quarto. Nam vt ostendi cap. 1. art. 3. Perpetua, & numquam interrupta , consuetudo fuit in Ecclesia, vt omnes Fideles accipiant a communi Ecclesiæ Magistro doctrinam tenendam in formandis moribus: sed hæc Ecclesiastica consuetudo declarat obligationem Fidelium acceptandi doctrinam de formandis moribus ab ipso communi Magistro: ergo omnes Fideles ad id tenentur.

233. Confirmatur primo. Omnia enim, quibus cap. 1. & 2. probavimus, Romanum Pontificem errare non posse in materia morum, probant, omnes Fideles teneri acceptare eiusmodi doctrinam. Ideo enim assistit Spiritus Sanctus , ne erret Romanus Pontifex in materia morum , vt scilicet Eccle-

sia non erret: ergo Ecclesia , ne erret, debet acceptare eam doctrinam morum, quā illi tradit Romanus Pōtifex.

234. Confirmatur secundo, ex ipsa Fidelium praxi. Nam licet in aliis quibus prouincijs non sint acceptatae constitutiones Concilij Tridentini; numquam tamen restiterunt eius declarationibus doctrinalibus , etiam in materia morum. Et primo quidem sess. 13. cap. 7. sic legimus. *Ecclesiastica autem consuetudo declarat, eam probationem necessariam esse, ut nullus sibi conscientia mortalis peccati , quantumvis sibi contritus videatur, absque præmissa Sacramentali Confessione ad Sacram Eucharistiam accedere debet.* Idem repetit can. 11. Cui declarationi omnes Fideles obsequuntur , & in praxi retinent, etiam in illis prouincijs, in quibus Concilij constitutiones non sunt receptæ. Similes declarationes habentur cap. 5. & 6. de more circumferendi in processionibus per vicos & platicas Sacram Eucharistiam, & de more asservandi illam in Sacrario , & deferendi ad infirmos. Quas declarationes admittunt, etiam prouinciae , in quibus eius Concilij constitutiones non sunt receptæ.

235. Dico secundo. Obligatio huius decreti, qua prohibitorum est, non pendet ab acceptatione populorum; consequenterque peccat graviter populus , qui illud non acceptat, qua prohibitorum est. Pro hac conclusione stant Authores relati supra pro prima conclusione. Nam cum Leo X. definierit, montes pietatis esse licitos, & simul prohibuerit defendi oppositam assertionem; id decretum quo ad utramque partem non pendere ab acceptatione populorum affirmant Authores relati.

236. Probatur conclusio. Nam supposita declaratione Romanæ Cathedræ, docentis ea obiecta esse illicita, eo ipso manent prohibita: ergo cū

necessario acceptari debeat declaratio, vt constat ex conclus. 1. eo ipso debet necessario acceptari prohibitio.

Et quod attinet ad prohibitionem docendi, & propugnandi propositiones damnatas, idem dicendū est. Est enim iure naturæ prohibitum docere tamquam licita ea, quæ sunt certo illicita.

237. Confirmatur. Non potest non acceptari lex Romani Pontificis, quæ interdicit ea, quæ iure naturali, aut iure divino positivo sunt certo interdicta: sed fere omnia, quæ condamnantur in hoc decreto, sunt certo interdicta iure naturali, aut Diuino positivo: ergo non potest non acceptari hoc decretum, qua prohibitum. Minor probatur. Nam fere omnia pertinere ad ius naturale, aut Diuino positivum, ex inspectione singularum propositionum damnatarum, vñusquisque comperiet. Quod autem certo interdicta sunt iure naturali, aut Diuino, constat ex declaratione Romanae Cathedrae, ex qua manent ea obiecta certissime illicita, vt constat ex supradictis.

238. Dico tertio. Probabile est, non peccare populum, si ex iusta & vrgenti causa non acceptaret hoc decretum, qua poenale est, id est, qua imponit excommunicationem latæ sententiae reservatam contra docentes, aut propugnantes propositiones damnatas. Est enim communis & probabilis sententia, quæ docet, leges etiam canonicas non obligare, donec accedat acceptatio populi rationabiliter re-

*Valenc.*  
*Tanner.*  
*Lessius.*  
*Sa.*  
*Filliue.*  
*Azor.*  
*Nauarr.*  
*Diana.*  
*Coquier.*  
*Santarel.*  
*Homobo.*  
*Miranda*  
*Bonacina.*

nuentis: quia legislator non vult obligare, nisi dependenter ab eiusmodi acceptance. Hanc sententiam vt probabilem retuli in 2. part. Cris. Theol. disp. 29. cap. 3. art. 1. n. 53. vbi pro ea allegavi P.P. Valenciam, Tannerum, Lessium, Becanum, Reginaldum, Sa, Filliucum, & Azorium; item Navarum, Dianam, Coquierum, Santarellum, Homobonum, Mirandam, &

Bonacinam; alijs gravissimis Doctribus in contrarium opinantibus, quos retuli ibidem num. 54.

239. Est ergo quo ad hoc magnum discrimen inter hoc decretū, qua prohibitum, & illud idem, qua poenale. Nam prohibitio sequitur necessario declarationem de illicito obiecto, vt constat ex conclus. 2. impositio autem excommunicationis non sequitur necessario prohibitionē, neque declarationem: nam stat bene, quod obiectū declaretur illicitum, & prohibeatur & quod prohibitioni non adjiciatur poena excommunicationis.

240. Quando autem populus non haberet rationabile causam ad renendum, non esse licitum populo, resistere, & non acceptare legem canonicam tamquam certum docui eadem disp. 29. cap. 4. art. 2. Et hinc infero, quod quamvis dixerim, posse populum non acceptare hoc decretum qua poenale, nempe sub ea conditione, si ad renendum haberet causam iustum, & rationabilem, absolute tamen affero, non posse populum non acceptare hoc decretum, etiam quapoenale; quia nulla est causa rationabilis, ad excludendam eam poenam excommunicationis, cum tam immane delictum, quale est docere doctrinā reprobatam à Romana Cathedra, dignum sit ea poena.

#### SYNOPSIS.

*Doctrinæ huicisque traditæ in hac dissertatione.*

241. **C**um comitet ex cap. 3. hoc decretum, non à Sacra Congregatione Inquisitionis Romanae dumtaxat, sed à Romano Pontifice immediate prodijſe; & ex cap. 4. Pontificem id decrevisse ex matura deliberatione; cum etiam constet ex cap. 1. & 2. Romanum Pontificem errare non posse in materia morum, etiā damnando eas propositiones, quæ olim erat probables, sive ab extrinſeco, sive ab inſtrinſeco: ex his insertur evidēter,

In-

Innocentium XI neque erravisse, neque errare potuisse in damnatione harum sexaginta quinque propositionum; atque adeo hoc decretum esse Regulam infallibilem morum.

242. Deinde cum constet ex cap. 7. esse definitionem Pontificiam, extra articulum Fidei; & ex cap. 11. definitionem, sive declarationem Pontificiam, præcipue in materia morum, nō egere promulgatione in provincijs; sed sufficere notitiam moraliter certam, vt obstringat conscientias; inde constat, hoc decretum obligare omnes Fideles, qui eiusmodi notitiam certam habuerint, vnde cumque proveniat ea notitia: quamvis in Hispania Sacrum Inquisitionis Tribunal pro vberiori, & certiori notitia insinuanda, illud promulgaverit.

243. Præterea cum constet ex cap. 11. & 12. in definitionibus, & declarationibus Romanæ Cathedræ circa doctrinam tenendam, & practicandam in materia morum, non posse habere locum supplicationem Regis, aut Regni, neque villam non acceptationem populi; inde est, quod hoc decretum suspendi non possit propter aliquam tergiversationem ex prædictis capitibus ortam.

244. Item ex cap. 8. tam certum est, Innocentium XI. in hac propositionum damnatione non errare; vt erroneum sit dicere, ipsum erravisse, aut errare potuisse. Præterea eum, qui defenderit aliquam ex propositionibus damnatis, non dicere aliquid erroneum, sed solum dicere propositionem scandalosam; nisi simul dicat, Pontificem errare.

245. Denique cum constet ex cap. 10. doctrinam in materia morum, quam damnat Romanus Pontifex vt scandalosam, esse certo falsam, & improbabilem quo ad proxim; inde constat, has sexaginta quinque propositiones amisisse probabilitatem prac-

ticam, quam habebant, & remansisse improbabilis, & certo falsas.

## CAPVT XIII.

*An minuatur autoritas doctorum, qui ante hoc decretum docuerunt opiniones in eo damnatas?*

## SVMMARIVM.

*Scandala exorta ex facilitate attri-  
buendi quibusdam Authoribus pro-  
positiones damnatas.* n. 246.

*Duplex genus propositionum damnata-  
tarum.* n. 247.

*Pro opinionibus damnatis nulla autho-  
ritas remanet in doctoribus earum.*  
n. 248.

*Nihil detrahitur autoritati eorum,  
qui ante decretum docebant opinio-  
nes receptas.* n. 249.

*Quomodo prudenter operabantur, qui  
ante decretum docebant eas opinio-  
nes receptas?* n. 250.

*Quomodo non imminutafit autoritas  
antiquorum, qui docuerunt opinio-  
nem postea damnatam à Tridentino?*  
n. 251.

*Idem cernitur in Sanctis Patribus.* n.  
252.

*Obiectio solvitur.* n. 253.

*Quomodo minuatur autoritas eorum,  
qui ante decretum docuerunt plures  
opiniones ex iam damnatis, quæ ma-  
le audiebant?* n. 255. & seqq.

*Quomodo qui unam vel alteram opi-  
nionem improbabilem ante decretum  
docuit, non censetur minoris autho-  
ritatis ad reliquas.* n. 261.

246. **I**ncredibilia sunt scandala, & iurgia, quæ referuntur exorta esse in aliquibus Academijs, & Universitatibus aliorum Regnum ex occasione damnationis harum sexaginta